

民國趣史第一集目錄

壽星集

●總統壽辰祝嘏記

●國史館長介壽之小啓

●馮上將軍雙壽記

●長老賄壽之佳話

●粵巡按署慶壽誌

●江西之三星獻壽圖

遺老傳

●陶然亭雅集之僊啓

●章一山却聘記

民國趣史 目錄

●葉德輝之文藝談

●辜鴻銘之憤慨

●創議復辟之健將

●王堉與譚貝勒齊名

●三湘耆舊傳

官場瑣細

●無獨有偶之假官

●戚揚遇瘋記

●顧作爲驚不羨官

●劉文嘉第二

●吳營長之威風

●使君淚滴牡丹江

●法曹不法

●何苦啣氣呢

●張大帥晉京紀

●孫總長流血

●王湘綺與史館

●張彪重入鄂州城

●嗚呼王治馨

●死矣劉鼎錫

試院現形

●知事試驗之笑柄共十二則

裙釵韻語

●公府新式結婚記

●梁令于嫺歸記

●敦誼會之西曲

●花界助賑啓

●鳳冠霞帔之光榮

●妓女總統

●胡經武之雙鵬

●英雄與美人

●革命聲中之情書

●女劇界唯一之人物

社會雜誌

●奇奇怪怪之紙人

●法政學生之奇呈

●異想天開之掘金談

●江西之斯巴達

●妬殺趣聞

●當年雄風何在

●岳父之重婚罪

●木偶結褵記

●冷飛天之殺身禍

●驚絕梅蘭芳

●割乳奇案

●風雨話金陵

●毛丫頭殞命記

●天然戲

●迷藥謀財

●均是賊也

●留學界之趣聞

●奇怪之姦案

●苦女兒

●臘八粥

●迷信歟哀悼歟

●快婿變老夫

●胎產誌異

●男女混雜之修道

●舊新年之厥旬熱

●北京第一舞臺開幕記

●北京第一舞台遭劫記

●民國之新諱辨

●警犬

●餘杭瑣記

●封台戲之特色

●東三省之馬賊

民國趣史 目錄

●特赦聲中之搨客

●舊厯新景

●我佛無靈

●新舞台重鑒旗鼓

●依然歌舞昇平

●賽會之慘劇

民國趣史第一輯

毘陵劍嶽李定夷編

壽星集

●總統壽辰祝嘏記

民國三年九月十六日爲中華民國第一任正式大總統袁世凱壽辰。袁大總統自就任正式總統以來，此其第一次壽辰也。大總統本誕生於前清咸豐九年八月二十日。此次以九月十六日爲壽辰，蓋以清時用陰歷，民國用陽歷，月日時有參差。當六月間，總統府禮官處曾查陰陽歷對照表，是年八月二十日適爲陽歷之九月十六日。又查英皇誕日，其國際觀見在六月三日，而家人慶賀則在六月二十二日。遂援外國分兩期祝嘏之例，擬定陽歷九月十六日爲中外觀賀之期，陰歷八月二十日爲家庭慶祝之日。適東西

列強兵戎相見。大總統以各國元首方枕戈待旦。豈可因壽辰過事。鋪張論爭。停止筵宴。及親賀與外交上之茶會。以爲憂時勤政之表示。於是吾人欲紀其盛。以伸慶祝之忱者。忽減少若干材料。然躬逢慶典。不能不搜羅各種事實。以爲臚獻之助焉。

各國君主及總統之壽辰。多親自出外。舉行閱兵禮。其初亦擬援例舉行。閱兵地點。擬在天安門外。其司令官。將於段祺瑞王士珍雷震春三人中擇其一。惟天安門外兩旁。均係前清所設朝房。日前市政公所將此朝房拆毀。成一空地。塵土堆積。頗不平坦。十五日。令兵士多人。剗平。用輕便鐵路搬運。以免障礙。然爲時太促。盡一日之力。仍不能平。統率辦事處。乃傳知改爲十月一場熱鬧。徒令人望眼欲穿耳。

祝壽典禮。雖已停止。並由外交部告知駐京各國公使。然恐外賓仍有情殷。

入觀者。若無人接待。未免酬酢有疎。特派內史二人。在典謁室招待。並照料簽名事宜。而英比等國。並送有祝賀國書。由外交部轉呈。至於清皇室。本與各國情形不同。仍派親貴至總統府觀賀。並致駢四僱六之祝詞。其手筆則出自前清南書房行走。至今猶戴假辮子之袁勵準也。

一切禮儀。雖均從簡。然國民慶祝情殷。內外城之大街小巷。無不高懸五色國旗。各衙署各學校。均放假一日。以誌慶祝。而出入總統府之新華門。亦繫青結彩。以爲點綴。十六日上午六時。軍事顧問及侍從武官爲一班。入內觀賀。大總統仍衣便服出見。其後統率辦事處各員爲一班。國務卿左右丞各部總次長內史處及政事堂諸人。又爲一班。其入府觀賀者如是而已。此外簡薦任各官。僅遞名柬者居多。約法會議及各部中。且有開一名單。派人送往掛號者。

政事堂接到各省來電。詢問對於大總統祝賀公文。應用何種程式者不一而足。政事堂以此項公文程式。未曾規定。復電以電賀爲宜。以故所到賀電頗多。又有派員來京貢獻方物者。貢獻之物。內有織花夏布。四正者。疑係江西之長官所獻。大理石屏風一座。疑係來自雲南。或雲南人者。然大總統恐其踵事增華。多已辭却不受。

有人以大總統手創民國。其功績在人耳目。不可不譜諸樂歌。以垂不朽。而頌無疆。雖其所纂樂歌。並不見佳。然歌功頌德之忱。亦自不可埋沒。其歌曰。智。周。八。表。惟。我。公。目。明。耳。聰。德。霑。五。族。惟。我。公。嵩。高。岳。崇。手。挽。狂。瀾。兮。障。百。川。而。之。東。巍。巍。蕩。蕩。兮。不。私。天。下。於。已。躬。祝。三。多。與。九。如。兮。堯。天。舜。民。民。罔。常。懷。懷。有。仁。敬。祝。我。大。總。統。萬。萬。春。

●國史館長介壽之小啓

湖南靖武將軍湯薌銘。以國史館長王湘綺氏爲一代儒宗。特援優禮。三老之義。仿登堂介壽之儀。特具通啓。遍告同人。假定楠木廳爲介壽地點。其啓文曰。

敬啓者。陰歷十一月念九日。爲國史館長王湘綺先生八秩晉四壽辰。北海清尊。東溟景福。輟蘭臺之史簡。還通德之珂鄉。遂駐檐帷。更通賓客。評松頌柏。吐故納新。望岳雲而輝映。冠裳挹澧蘭而芬生。几席茂叔。見光風之度。魏公居畫錦之堂。千叟呼儔。九老在座。昔者虞夏。憲言聿尊。齒德晚近。岡陵稱頌。共挈壺觴。矧薌銘宦游鄭公之鄉。久濡經師之澤。蒲輪就道。欽聆德音。青兕度關。早迎紫氣。謹援優老引年之義。並仿登堂介壽之儀。稟經致虔。崇賢美俗。鹿鳴饗璧。樂鄉飲之大賓。兕觥油油。侑公堂之春酒。夫惟大雅。式伸北斗之尊。敢告同人。競獻南山之什。賓主輝乎三絕。賢俊萃於一堂。如翁蘇齋。

爲東坡作生辰。仿袁渥口代南皮書壽啓。傳爲盛事。佐此歡呼。統希公鑒。

●馮上將軍雙壽紀

朔風凜烈。寒氣逼人。無衣無食之小民。蹢躅於道。歎噓盈耳。淒涼滿目。凍餓而死者。寧垣以內。當以數十計。荒村野縣。不可得而知矣。兼以天時乾旱。人心惶恐。米珠薪桂。百業凋零。欲述一二歡喜事。迄無可道者。恰值宣武馮上將軍華甫與其夫人周女士道如百歲雙壽堂。皇富麗炫耀。一時視彼道路。餓孍奚啻天上神仙也。

馮上將軍年近六旬。其生辰爲陰歷十二月初四日。初十日乃周夫人四十大慶。巧合百歲雙壽爲古來名臣大將罕有之盛事。故大開東閣。廣宴來賓。以爲一時佳話。惟禮節既隆重。職務逾繁。多特委將軍府軍需長張調臣。副官長何紹賢爲承辦正副主任。一切收禮會計指揮庶務。由各課長課員分

配担任。招待外賓爲交涉員馮國勳軍械所長高孔時。政界爲金陵道尹王舍棠財政廳長蔣懋熙。軍界爲憲兵司令陳調元金陵鎮守使王廷楨。商學兩界爲警察廳長王桂林台營官地局長孔慶塘將軍府衛隊司令馬溶軒江寧縣知事樊溥霖。條理井然。

府門以外高紮松柏牌樓一座。中以電燈編成匾額。一方文曰共慶昇平。東轅門爲國恩家慶西轅門爲人壽年豐。照壁牆上亦用電燈編成五色國旗。兩方週圍牆緣安設電燈千餘盞。遙遙望之如火山銀樹光照數里。由大門以至大堂亦沿屋設電燈綵棚二門。電燈匾額係壽山福海四字。大堂以內所懸大紅緞子摹本壽幛約三百幅。二堂卽爲壽堂中懸綵繡男女壽星案上陳列之八仙獻壽蠟燭約三尺高兩邊所掛之泥金壽屏光彩煥發目爲之迷。其他鋪陳之華美燈燭之輝煌幾疑非人間所有筆難盡述矣。

府內由大堂以至大門。皆有衛隊兩行鵠立。大門以至轅門。悉警察分班守衛。道中則車水馬龍。往來如織。路人祇可遙立而望。稍近轅門一步。輒遭驅逐。府內有職務辦事之人。均掛紅花一朵於胸前。以爲符號。否則難近雷池一步也。

初十日（即陽歷二十四號）清晨九句鐘。由承辦正副主任率領本府全體員司。着常禮服至壽堂前。向上行三鞠躬禮。馮上將軍西向立。亦還三鞠躬禮。然後依次而退。外來本城文武各官與商學兩界。均由各招待員率領至壽堂前行禮。設筵款待。山珍異味。羅列滿几。軍樂新戲各奏。其長賓主歡呼。屬僚欽仰。奢華富麗。爲前代疆臣所未有。若非馮上將軍功蓋寰宇。名垂民國。盍克臻此。雖然。若以今日之壽禮。壽筵移賑。求一粥而不可得之哀鴻。則江蘇省內不致有因凍餓而填溝壑者。上將軍之功德更無量矣。

●長老賭壽之佳話

美國社會學泰斗市俄古大學教授司達博士。常游日本。與大隈伯交情甚密。一日大隈語博士曰。觀君身體甚健。或當爲長壽者。博士曰。然。吾自信可活至百二十歲。大隈大笑曰。吾確自信能活至百二十五歲。博士曰。然則吾與閣下誰爲長命。今尙在不可知之數。卽以此事爲賭。何如。大隈快諾。中華民國之長老伍廷芳者。最近衛生之實行家。而司達博士之故交也。博士因遺書伍氏。勸其加入此賭壽之團體。伍氏復書博士云。聞君與大隈伯共以長命爲賭。實爲雅人趣事。以閣下及大隈伯之身體健康衛生。得宜當能各得高壽。然僕之健康遠在兩君之上。其壽命必較兩君爲尤長。（按伍氏常自言能活至二百歲以外者）他日必能領取賭金於閣下及大隈伯子孫之手。請早準備遺囑爲幸。此書一出。美日新聞均視此爲一極有趣味之賭。